



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 7. De effectibus ciuilis contractus validi, ac primo de obligatione,

[urn:nbn:de:hbz:466:1-78477](https://nbn-resolving.de/urn:nbn:de:hbz:466:1-78477)

dominum, donec completeur traditione; sicque transcat in contractum: prout idem Molina tradit in sequenti disput. 273;

CAP V T VII.

De effectibus civilis contractus validi, ac primo de obligatione.

S V M M A E R I V M.

- 100 Generalis definitio obligationis; ac prima illius divisio in eam que est ex honestate, & eam que ex necessitate: & huius in eam que ex iustitia, & eam que ex charitate; vel alia virtute.
 101 Divisio obligationis ex iustitia in naturali, ciuilis, & mixtam.
 102 Expressio dicitur: at omnis an in contractu cesseret obligatio naturalis, & prius irritatur iure ciuilis.
 103 Princeps sua legi facere potest illicitam in conscientia transactionem domini.
 104 Lex bona qua affat personas ad contrahendum inhabiles, obligat in conscientia.
 105 Quae vero prescribit tantum solemnitatem seruandum in coniunctu, non ita obligat, vt quod accipitum fuerit per eum, restituiri debeat ante iudicium sententiam.
 106 Quid debet at post iudicium coniunctionem.
 107 Nisi procedatur mala fide: quod quando contingat.
 108 Quid sit actio.
 109 Divisio illius in realem & personali.
 110 Alio in eam que est bona fide, & eam que stricitur iuri.
 111 Cui a iure detur actiones, & cuius sonus.
 112 Diferentia inter utramque eam actionem, in ordine ad proximam.
 113 Quid sit evictio, & quando comincat.
 114 Quae regule de evictione, prout debetur ex contractu lucrativo, seu donatione.
 115 De evictione, prout debetur ex contractu ventitioni.
 116 De evictione, que debetur ex aliis contractibus omnibus.

100.

EF F E C T U S EX CONTRACTU CIIVILI PROVENIENTES TANquam ex causa, sunt maxime, obligatio, actio & evictio. Obligatio autem sumpta via uerle, est vinculum quo adstringimus ad aliquid dandum vel faciendum, vel non dandum aut non faciendum. Diuiditurque in eam quae fundatur in honestate, & eam quae in necessitate; quarum prior non est ad culpam, quia inducit tantummodo mortale debitum cuiusdam honestae observationis laudabilis quidem, non tamen necessaria ex vi aliena precepti; sed ex vi honestatis, quia quisque gratius esse debet suo benefactori, & omnibus, prout expedient, benefacere. Posterior vero obligatio est ad culpam; quia oritur ex aliqua lege seu precepto, sive iustitia, sive charitatis, sive alterius virtutis, vt religiosus, fedelitas, &c. Ceterum ea quae est effectus contractus (& hic occurrit a nobis consideranda) de illis est, quae ex lege iustitiae oriuntur, & requirunt animum seu intentionem se obligandi, iuxta legem Obligationum, ff. De obligacionibus & actionibus.

Quod autem contractus non sit adaequata illius causa, patet ex eo, quod iuxta legem primam, eodem studio, ipsa adhuc nasci possit ex quasi contractu: vt contingit in casibus qui traduntur Institutis, tit. De obligationibus quae quasi ex contractu nascentur. Quorum primus est, cum quis negotia alterius fecerit sive ipsius mandato; de quo titulus, ff. De negotiis gentilium. Secundus est, cum quis ex tutela pupillorum, aut curatela minorum obligatur. Tertius, cum aliqui habent rem communem, non ex societate, sed ex eo, quod pariter sit illis legata, seu donata. Quartus, cum haeres imposita est solutio aliquorum legatorum. Quintus, cum per errorem, solutum est indebitum.

Nasci adhuc potest eadem obligatio, tum ex officio quod geritur. Eo ipso enim quod quis sibi ipse aliquid officium administrandum, quasi contrahit cum eo qui ipsum in tali officio constituit. Tum etiam ex delicto seu maleficio contra iustitiam aduerso; vt ex adulterio, homicidio, aliae in iuria contra iustitiam alteri illata. Tum demum ex quasi de-

lictio; quando quis contra iustitiam laeditur: non quidem ex malitia & dolo, ex imprudentia tamen vel in perfidia. Scilicet index per imperitiam male iudicando, obligationem incurrit refaciendi detrimentum inde secutum. Similiter obligatur is ex cuius domo aliquid effusum fuerit, vel effectum quod transirentibus intulerit damnum; aut si ipsius animalia, aut serui nocuerint alicui contra iustitiam.

P O R T A C A D E M I C A
Obligatio ex iustitia triplex distinguitur, vt quedam sit naturalis tantum, quedam ciuilis tantum, & quedam mixta. Naturalis tantum est, quae ex iure naturali aut gentium natum in conscientia ciuilis: seu quae obligat in foro conscientia, non obstante quod ius ciuilis non concedat ex ea agere. Fit enim aliquando, vt legislator ob aliquam circumstantiam non approbet conventionem, ex qua obligatio ipsa naturalis nascitur: vt si credam pupillo pecuniam; vel aliquid ei vendam sine tutoris auctoritate: aut si frater fratri pecuniam credat: quorum vterque adhuc sit sub patris potestate; aut si pater contrairet cum filio: aut si filius aliquid surripiat patris, vel vxor marito. Ex quibus siue contractibus, sive delictis ius ciuilis non dat actionem in foro externo; quia pupillus & tutor, reliqua item personae memorare, habentur pro una, in ordine ad patremq[ue]m, quod habent indiuersum.

Obligatio vero tantum ciuilis, est quae vim habet ex iure humano, nihilque de ea ius naturae statuit. Exemplum est, si Titio dem syngrapham, per quam sp[ecie] remuneracionis futurae, profitar me debet ei centum; obligor enim auctoritate pecunia: adeo ut iudices quantumcumque nihil acceperim, videntes meam syngrapham, sint condemnaturi me in debitorem centum. Titio cui de iure naturali, atque adeo in conscientia, nihil debeo: quandoquidem a parte rei presumto non responder veritati. Additur aliud exemplum ex lege vlt. Cod. De iure deliberandi; per quam haeres, si adierit hereditatem non consecuta inuentario, obligatur in solidum creditoribus & legatariis defuncti, etiam ultra vires hereditatis: quod non habere locum in conscientia communior sententia est. Quae tamen habet difficultatem, vt videat est apud Ludouicum Molinam de iure tract. 2. disput. 217. §. Quod attinet ad i. Et certe cum ea non debeat souere peccatum: quando per fraudem aut negligientiam notabiliter omisum fuerit inuentarium, videatur ab eadem discedendum esse.

Obligatio denique mixta ex naturali & ciuilis, est quae ritus ex iure ciuilis fundato in vera aliqua ratione & ex quiete naturali: vt obligatio consurgens ex emptione, vel mutuo, vel aliis similibus actibus ratione consentaneis, & a iure positivo approbat. In qua obligatio aduerte contingere posse, vt ciuilis obligatio tollatur manente naturali; & contra manente ciuilis, tollatur naturalis. Nam si debitor per sententiam iudicis absoluatur, quia creditor non probavit mutuum, tollitur obligatio ciuilis manente naturali. Si vero creditor pacificatur cum debitore se nunquam repetitur ab eo debitum; nec tale pactum potest in iudicio probari, debitor liberatus est quidem ab obligatione naturali, non tamen a ciuilis.

Ceterum ciuilis obligatio interdum assistit naturali: vt cum ei admixta, parit actionem in foro externo; interdum vero ei resistit, vt contingit cum contractu iure naturali validus, irritatur iure ciuilis: ex qua irritatione cesseat in contractu, naturalis ipsa obligatio, explicandum est consequenter.

Explicatio dubitationis. An in contractu cesseret obligatio iuri naturali, quando uirat iure ciuilis.

SECTIO L

F O spectat haec explicatio, vt intelligatur utrum in foro externo, ita in interno, & quoad Deum, nulla sit translatione dominij facta per contractum, validum quidem, si spectes ius naturae; non tamen si spectes ius humanum ob defectum conditionum quas ipsum requirit ad contractus validitatem. In exemplu datur translatione dominij quae sit per testamentum, cui interfuerunt tantum duo vel tres testes,

qui

qui sufficiunt iure naturae, iuxta illud Matth. 18. In ore duorum vel trium stat omne verbum: non autem iure ciuili, quod sepius testes ita requirit, ut si unus defuerit, testamentum ipso iure deficiat: Cod. De testamentis, lege Si-vnus. Item quæ per donationem, aut venditionem fit a pupillo sine consensu tutoris. Nam tales contractus iure naturali validi (utpote facti libero viri sive partis consensu lato & possibili, prout supponimus) nullatenus pariant obligationem iure ciuili, ex lege Iulianus, §. Si quis a pupillo, ff. De actionibus empti & venditi. Due autem sunt ea de re sententia opposita, quas fuisse persequitur, & expedit Louis Molina de iust. in tract. 2. disput. 81. post Sotom. lib. 4. de iust. & iure, quest. 5. art. 3. & Couarriuam ad regulam Peccatum, par. 2. §. 3. num. 9. & 10. & ad Cap. Cum esles, de testamentis alios referentem. Quid autem possit in praxi teneri, complectat aliquot propositionibus.

PRIMA EST. Rempublicam seu Principem ad tollendas fraudes, & impedienda damna, quæ suboritur facile possint, habere potestate condendi leges, quæ vniuersitate reddant irrita, & ad dominium in foro conscientia transferendum inefficacia testamenta, aut contractus quibus defuerint conditions quas adesse iudicauerit expedire. Hac probatur, quia ut subdit, sic & eorum bona, publicæ potestari subiacent in ordine ad commune bonum, & ad tollendam in cōmoda quæ possunt in Republica oriri. Quare licet quisq; solo iure naturali spectato, distribuere possit bona sua prout lūquerit: tamen Princeps, si bono communī ita expedire iudicet, potest certos modos & formas praescribere, quibus fiat talis distributio: si mulque statuerit, nulliusque momenti fore, quidquid alio modo factum fuerit, nihil obstante manifesta distribuentis voluntate. Hac ratione alienatio facta a pupillo sine tutoris autoritate, nulla est in foro conscientia: etiam si contingat pupillum ipsum iudicio maiore pollere, quam aliquos adulitos, a quibus si fierent alienations, censerentur valida.

Non solum autem in foro externo, sed etiam in conscientia, istiusmodi leges habere locum, quantumuis ferantur tantum auctoritate ciuili, patet per tradita in precedentib. lib. 13. tract. 4. cap. 3. quest. 2. Principie autem per illud ad Roman. 13. Non est potestas nisi a Deo, & qui potestari resistit, Dei ordinatio resistit. Nec possunt eadem leges dici procedere ex presumptione cui veritas sit in contrarium; ideoq; non habere locum in conscientia. Namque, ut supponimus, ex feruntur ex certa scientia principis, & iustis de causis. Atque si lex humana irritans vel restringens naturæ legem, locum haberet tantum in foro externo, non item in conscientia, quod hereticum est, ex Concil. Trident. sess. 24. Can. 3. & 4. de sacramento matrimonij.

SECUNDA propositione est. Legem humanam, quæ efficit personas omnino inhabiles ad aliquod contractum, obligare in conscientia, impedireq; obligationem naturali malo quiescituram; ita ut nihil efficiatur contrahendo. Sic irritum nullumve est matrimonium clandestinum, seu non factum coram Parochio, & diobus aut tribus testibus (quod antea valebat, licet prohiberetur ab Ecclesia) quia Concilium Tridentinum in eadem 24. sess. in decreto de reform. matrimonij cap. 1. eos qui sic contrahere attinuerint, reddit sic ad contrahendum omnino inhabiles, decernendo contractum eiusmodi irritum, nullumque esse: immo illum irritum facit, annullatque: dato quod tale ipsius decretum fuerit promulgatum in parochia sic contrahentium.

Ad confirmationem autem allata propositionis, facit illud quod ante proposta D. Pauli verba satis indicant: Principibus potestatem inesse, qua possint si velint, subditos etiam in conscientia adstringere. Quia igitur Princeps per tales leges aperte ostendit se velle ut ea potestate, quam respectu inferiorum habet, reddendi iusta de causa contractus ipsorum irritos, id ita fieri censemur est: quan- doquidem ubi cum potestate voluntas efficiendi concurre-

rit, effectus sequitur. Neq; enim potest negari securus, nisi quia agens, illum aut non potuit, aut non voluit efficere.

TERTIA propositio est. Probabile esse legem humanam quæ non facit personas omnino inhabiles ad contractandum; sed tantum prescribit solemnitatem, seu conditiones necessariae seruandas in contractu, non habere eam vim in conscientia; viis qui contrahendo acquisierit aliquid, teneatur acquisitum restituere alteri, antequam repatur in foro exteriori coram Iudice, & interueniat condemnationis sententia, per quam rescindatur contractus, aliave dispositio cui deicta iure prescripta solemnitas. In exemplum induci possunt testamentum sine solemnitate iure ciuili requisita celebratum: & electiones ad beneficia Ecclesiastica, atque alegationes honorum Ecclesiæ, factæ sine solemnitate requisita iure Ecclesiastico.

Cum autem duo continet hæc propositio: unum, proposita leges non irritare contra dictum sine solemnitate celebratum: quæ ex requirent: alterum, reddere eundem irritabilem per sententiam Iudicis: quo ad prius (quidquid locis citatis contradic Couarriuas) ipsum facit ex eo collat, quod probabile sit Principum mentem eam esse in ferendis iusmodi legibus, vt nolint naturalem obligationem omnino impetrare, annullando contractus, aut dispositions ex quibus ea consurgit. Id enim licet coniugere ex eo, quod Principes cum alias volunt omnino impetrare naturalem obligationem, id ipsum ita exprimant per verba irritatoria facti, vt nullum locum dubitationi relinquant. Licet quoque idem colligere ex nonnullis legibus, iuxta quas possumus candem mentem probabiliter interpretari, quod in hac re non sit impediendi omnino obligationem naturaliem. Eas refert & expendit Molina in citata disput. 81. §. Hanc autem, & aliquot sequentias. Nobis sufficit attigisse unam in exemplum; qua est lex Etii inutiliter, Cod. De fideicommissis: in qua Antoninus Imperator ait: Sit testator inutiliter, hoc est, sine debita solemnitate, reliquit fideicommissum: & heres sciens illam fuisse defuncti voluntatem, illud soluit: neque ipsum, neque heredes ipsum posse illud repetere. Additique rationem, dicens: Cum non ex sola scriptura, minus solemnis scilicet, sed ex conscientia relieti fideicommissi defuncti voluntati satisfactum esse videatur. Quia vero pars indicate ex ultima voluntate testatoris minus solemnis, oriri obligationem naturalem. Quam esse communiorum Doctorum sententiam ex Iulio Claro, & Couar. habet Molina ibidem §. Quartu idem mihi suadet: atque pro ea aliquot nobiles authores Leon. Lessius lib. 2. de iust. & iure cap. 19. dubit. tertia, num. 14. refert, quam & approbat cum eodem Molina. Similis in num. 21. & aliquot sequentibus ex ea inferens.

Primo, heredem ab intestato sciat defuncti voluntatem, qua alterum constituerit heredem, aut ei aliquid legat in testamento minus solemnem, teneri in conscientia tali restituere hereditatem legatum ve soluere. Secundo, si ea de re fuerit dubius, teneri propter dubium cum illo altero componere: nam cum nec ipse, nec alter ille adhuc ceperit possidere bona fide, par est in dubio utriusque conditionis. Tertio, si heres ipse ab intestato hereditatem aut legata retineat: illos quibus per testamentum minus solemnem fuerit, aliquid relictum, possessoris debitis conditionibus, vel compensatione. Quod Sylvestris in verbo hereditas 3. quest. 7. in fine, ait posse furari sibi relicta. Quartu, si idem heres fateatur mentem testatoris fuisse, vt hereditatem alteri traduceret nomine fideicommissi, vel ut legatum aliquod solueret: aut si oblati ei iuramento compellatur dicere an tale quid sciat, recusat iurare, cogendus est in foro etiam externo hereditatem tradere (detracta tamen quarta parte) factumve legatum soluere iuxta §. vi. titulum, De fideicommissis hereditatibus, Institutibus, & legem; Questionem De fideicommissis Codice.

Quoad posterius augem, in allata propositione contentum, ut stabilitum censeatur, tenendum est cum Soto lib. 4. de iust. & iure, quest. 5. art. 3. (quod loco cit. Lessius num. 31. probabile esse fatetur) mentem Principum in ferendis legibus, de quibus agimus, non esse, relinquere omnino integrum iuris naturalis obligationem, ex contractu se-

quentem. Pro quo factum maxime, quod tales leges alioquin essent cooperations ad peccatum usurpationis rei alienae: quandoquidem eorum auctoritate per sententiam Iudicis extraherentur res ab illis a quibus habentur ex testamento, vel ex contractu non solemnem: quod quidem est aperte contra iustitiam: dato quod inde in nullo immunitum habeant de iure naturali, eorum dominium. Id autem est in commodum maximum, ratione cuius eadem leges esse omnino repudianda: cum, ut habetur in cap. vlt. de prescriptionibus, generaliter sit omni constitutioni derogandum, qua absque mortali peccato non potest obseruari. Quare dicendum merito videtur. Principem in illis ferendis, menteam eam habuisse, ut minus solemnem testamentum vel contra naturalem obligationem excluderet qui- dem, sed solum pronuntiata secundum eas a Iudice sententia; per quam talis obligatio declararetur nulla manere. Cui doctrina ut assentiar in ordine ad proximam, facit exterioris fori visus: quem peccati damnum, nisi certa ratio co- tuncat, durum est. Fert enim, ut testamento eo ipso, quod aliqua eis deest solemnitas, sine scrupulo ab Aduocatis & Procuratoribus ostendantur, & a iudicibus pronuntientur nulla: haeredesque ab intestato occupent absque scrupulo, & possideant defuncti bona, nec legata solvant in eis reliqua: nisi fuerint pia, quae in foro etiam externo suam vim & efficaciam ex testamento minus solemnem obtinent, iuxta Cap. Iudicante, & Cap. Relatum i. De testamentis.

107. Non negarim tamen contrariae doctrinæ locum esse, quando proceditur mala fide: ut fieri censetur, cum quis proba nouit, certum que est testatoris voluntatem plenam, fuisse constituendi alterum haeredem, aut certum quid legandi ei. Nam tali fraudulentio patrocinandi, mente legistratoris esse minime existimandum est. Quod & licet concidere ex eo quod tali facenti se scire veritatem, aut recusanti iurare (si ab eo petatur sub iuramento) an eam sciat; auferenda sit haereditas, & tradenda alteri, ex § vltimo, & lege Quæstionem ante memoratis: unde illud sequitur, quod de iust. & iure tract. 2. disput. 81. §. Quod si hec, in fine. Molina habet. Aduocatos (nisi sequantur opinionem Couarruiae, existimantis testamentum, etiam in conscientia, inuidum esse ex defectu solemnitatis) teneri in ictiusmodi negotio interrogare clictulos, qui patrocinium iporum pertinet, an sciunt illam fuisse voluntatem testatoris, ut haereditas alteri deferretur: sique illi annuant: aut si ipsi met Aduocati illis negantibus, id sibi persuadeant; non posse illis praestare patrocinium: rite ad rem iniustam expectitam, tenerique illos admonere quod non possint tuta conscientia exigere talia bona; si indubitant existimat, eam fuisse testatoris voluntatem; sin de eo dubitet, debere facere compositionem, prout ante dictum est. In soluendis rationibus Couarruiae non immorabitur: quia nihil fere aliud probant, ut videre est apud Molinan in fine eiusdem disput. quam quod habet prima nostra propositio.

De actione.

S E C T I O N I I.

108. **V**T ex contractu obligatio, sic ex obligatione actio nascitur: de qua pro foro interno, satis est docere quid, & quotuplex sit. Ergo, ut habetur lege Nihil aliud, ff. De obligationibus & actionibus; Actio estius, quod sibi debeatur, iudicio perficiendi. Advertit vero actionem sumi dupliciter: uno modo late pro omni iure, quod iudex ex officio suo tribuit, cum auxilium ipsius imploratur, seu petitur, ut ex officio suo aliquid faciat. Qua ratione actio dicitur, quod iudicis auctoritate in communione necessitate, diuties compellantur subvenire indigentibus: & in communione penuria, habentes frumentum cogantur illi iusto pretio vendere reliquis ciuibus indigentibus. Altero autem modo actionem sumi stricte, ut præter officium iudicis, requirat debitorem, & creditorem; vel quasi debitorem, & quasi creditorem: itemque ut creditor, vel quasi creditor, qui actor dicitur, suum ius in iudicio petat ac persequeatur.

109. Quatunque conceptione, definitio ante allata conuenit

actioni: quaque eadem distinguitur in realem, quæ vendicatio, & in personalem, quæ contractio dicitur, ex lege Actionum genera, ff. De obligat. & actionib. Realis autem est, per quam rem nostram, ab alio possessam petimus; & nascitur semper ex dominio rei, vel quasi dominio, seu (quod idem est) iuxta legem In rem, ff. De rerum vendicatione) ex iure quod habemus in re. Vnde semper aduersus cum qui rem nostram possidet; etiam si nihil nobiscum contraxerit, nihilque contra nos deliquerit, ex quo personam sicut habeat nobis obligatam. Personalis vero actio est, quæ cum eo agimus, qui nobis ad aliquid faciendum vel dandum obligatus est ex aliquo contractu, vel quasi contractu; aut ex aliquo delicto, vel quasi delicto: vnde semper est aduersus cum cuius persona est nobis obligata tanquam debitrix.

D I V I D I T U R præterea actio, quod quædam sit bona fidei, & quædam stricti iuris: illius sexdecim species referuntur Institutionibus, tit. De actionibus, §. Actionum: nempe, ex empto, vendito, locato, cōducto, negotiorum gestorum, mandati, depositi pro socio, tutelæ, commoda- ti, pignoraritia, familia ericūndæ, seu hæreditatis diuidenda, communis diuidendi, præscriptorum verborum; quæ de estimatio proponitur; ut quod tibi traduci rem meam, existimari, ut eam venderes decem, aut tantummodo pre ea solvae, item quæ ex permutatione competit, atque haereditatis petito.

Has referens glossa ad Csp. Cum venerabilis, De exceptionibus, verbo, Bonæ fidei, addit eateras (ut ex mutuo, ex arbitrio, & alias) esse stricti iuris. Dicitur autem actio bonæ fidei, non ex eo quod debeat in illa seruari bona fides: nam id illi commune est cum actione stricti iuris: sed quod in eam veniant, quæ debentur ex æquitate, & bonitate: etiam neque dicta, neque cogitata sint à contrahentibus. Actio vero stricti iuris dicitur, quod in eam veniant tantum quæ natura eius, vel contrahentium conuentio stricte exigit: ac quæ, si per eisdem contrahentes expressa non sint, potuerint, sicutem verosimiliter, ab illis cogitari. Videri potest Couar. ad Regulæ possessor, De regulis iuris in 6. par. 2. §. 6.

P O R R O, iura (quod notat Molina in cit. tradi. 2. disput. 2. in fine) actionem realem tribuunt ei, qui ius habet in re: ita ut duo ista reciprocen- t. Ius habet in re, & conceditur illi actio realis. Ei vero qui solum habet ius ad rem, concedunt solam actionem personalem. Ad discernendum autem, quād ius habeatur in re, & quando tantum ad rem, hoc documentum seruire potest. Vbi cumq; reperitur ius seclusa persona obligatione, ipsum censetur esse in re. Vbi vero ius non reperitur nisi in obligatione personæ, esse personale. Exemplum est, si Titius bona fide possidet rem alienam, verus dominus habet in ea ius, ratione cuius possit agere contra Titium actione reali: non vero personali, ratione alicuius obligationis, qua adstrictus sit ei Titius: qui nec ex contractu, nec ex delicto ei obligatur. Si autem idem Titius mutuo accepit centum, creditor non habet ius in rebus ipsius, ut possit agere actione reali: sed tantum in ipsius persona, quæ ex ipso mutuo illi est obligata.

In ordine autem ad proximam, inter utramque eam actionem discrimen satis latu cernitur: nempe quod cum realis sequatur rem in qua ius reale competit; ea detur contra quemq; possessorum rei, quocumque titulo eam apud se habeat, etiam si per mille manus transierit, iuxta legem Actionum genera, ff. De obligat. & actionibus. Ratioque est, quia cum talis actio fundata sit in iure, quod quis habet in re, ad quemcunq; ea transeat, cum onere suo transit. Actio vero personalis non egreditur personam obligatam: quia cum sit in talem personam, eam semper sequitur quidem: sed eadem extinta, & ipsa extinguitur, nisi detur aliqua alia persona quæ ipsam representet: sicut haeres debitoris, censetur ipsum representare.

De evictione.

S E C T I O N I I I.

D E H A C habetur titulus, digestis De exceptionibus & dupla stipulatione: & agit Couar. in lib. 3. variarum refol.

resol. cap. 17. Est autem euictio, rei emptae vel donatae, vel ex alia causa accepta, interposito iudicis decreto, ablatio. Hac accedit cum quis rem propriam in iudicio repetitabat eo, qui dedit, aut vendidit alter ad quem ea non pertinebat. Atque de euictione, ut debetur ex contractu lucrativo, seu ex donatione, duæ regulæ sunt notandæ, quæ tantum Ludovicus Molina de iust. & iure tom. 3. tract. 2. dispu. 252. §. Secundo sumitur contractus.

PRIOR EST, quæ habet ex lege Arist. §. vlt. ff. De donationibus. Quando incipit donatio à traditione rei quod donatur; eum qui donavit non teneri de euictione, nisi donatarius expensas fecisset in re sibi donata: ac ipse qui donavit tunc cum donaret, rem esse alienam sciret. Quo casu tenebitur ad refundandas easdem expensas, & alia damna subsecuta; non autem ad rei valorem; quia in illis, non item in hoc, donator censemur donatarium laſſe contra iustitiam.

POSTERIOR regula est. Cum donatio à promissione incipit, si ea sit in genere: dandi v. g. aliquor modios tritici, vel aliquor boues, aut aliquot nummos aureos: si promissor adimplendo promissionem det alienum, tenebitur de euictione: quia cum promittendo non magis resperxerit ad hos, quam ad alios tritici modios, vel boues, vel nummos aureos; non liberatur à promissione tradendo alienum, etiam per ignorantiam: cum dominium illius transferre non potuerit. Si autem promissio sit certæ rei in singulari, ut huius domus, vel huius equi, promissor de euictione non tenebitur, ea tradita; quantumcumque fuerit aliena. Ratio est, quia promissio oīum habens ex liberalitate, promittentem non obligat in conscientia amplius, quam intenderit se obligare. Is autem qui rem determinatam in singulari promittit, non intendit (nisi aliis fuetur animis ipsius quam nude promittendi) adstringere se ad aliud donandum quam eandem rem determinatam. Ergo illam tradens, ad nihil amplius tenebitur ex vi promissionis: etiam si ipsa tanquam aliena euincatur: nisi, videlicet, ad expensis, & alia damna donatarij; si dando præsumeret talem rem esse alienam.

DE EVICTIONE autem, ut debetur ex contractu oneroſo, ut ex venditione, permutatione, &c. bene differit idem Molina in sequenti disput. 380. Atque de ea quæ debetur ex venditione, illud pro praxi nobis proposita notandum est; venditor regulariter teneri emptori de euictione, hoc est, si res empta auferatur ab emptore, eo quod non esset venditoris, hunc debere illi astimationem rei, & interest; seu teneri soluere quantum res astimatur e tempore quo euincitur, & quantum emptori ipsi interest eandem rem non esse euictam, ac eriam damna inde subsecuta. Hoc habetur ex lege Libera, Cod. De euictionibus, & ex lege Euicta, ff. codem tit. & ex Cap. finali. De empt. & venditione.

Ratio autem additæ particulae (*regulariter*) est, quod dentur aliquot casus, in quibus ille qui rem vendidit, aut alio titulo alienauit, non tenetur de euictione. Eo ipse Molina persequitur in eadem disputatione, apud quem videbō. Nam ad institutum nostrum sufficit attigisse paucis spectantes ad illud: quorum primus est, quando in contractu expressum fuit, ut venditor de euictione non teneretur. Qui casus debet intelligi cum conditione: libona fide agatur; ut censebitur agi, si venditor emptori aperiat rei statum quem nouit. Si ergo sciat alienam esse, idque sufficienter aperiat; de euictione non tenebitur, hoc nomine, quod liber sit ab obligatione soluendi interesse, & damna emptori subsecuta: non autem quod liberatur ab obligatione reddendi pretium acceptum, nisi contrahendo fuerit expressum in particulari, quod ne quidem ad premium reteatur.

Sin autem dubitet an sit aliena; & id item aperiat, liber erit etiam à pretio restituzione, si res ab emptore euincatur seu abstrahatur: quia perinde cum eo contraxit, ac contrahit ille qui vendit iactum rectis, si & pices capiantur, que non. Ita habetur ex lege Emptorem, §. vlt. ff. De actionibus empti. Quod si mala fide agatur; venditore, nimis sciente rem esse alienam, aut de eodubitante, nec aperiente illius statum: tunc ob dolum interuenientem

tem obligari. Verit non tantum ad restituendum premium, sed etiam ad intereste damnaque secuta resarcienda, iuxta communem doctrinam de obligatione ad restitutionem ex iniusta acceptance.

Secundus casus est. Cum res vendita, extra etia est de protestate emptoris per sententiam aperte iniustam: siue ea lata sit per iudicis imperitiam, siue per inequitatem, aut in odium possessoris, aut quia voluit actori iniuste facere, ex Cap. ultimo, De emptione, & vend. & ex lege Si per imperitiam, ff. De euictionibus. Ratio, que est quod tunc perinde sit, ac si per furtum aut vim res esset iniuste ablati, aut casu fortuito perire: in quibus eventibus constat rem ei periisse, apud quem est illius dominium, sicut rei venditæ dominium est apud emptorem.

Tertius casus. Quando emptor præscribere potuit rem emptam: nec præscriptis: adeo ut culpa inertia sua sit ab ipso ablata, ex lege Si dictum, §. Si cum posset, ff. De euictionibus.

DE EVICTIONE quæ debetur ex aliis contractibus oneroſo, haec habet idem author sub initium memoratae disputationis. De euictione rei teneri eum qui illam permurauit; ex lege Si permutations, Cod. De euictionibus, & ex lege I. Cod. De rerum permutatione. Item qui quis alio contractu oneroſo rem in alterum transfult: ut cum eam dedit in debiti solutione, ex lege Libera. Cod. De sententiis & interlocut. Præterea, quando heredes dividunt inter se hereditatem, aut socij rem ipsi communem: si enim aliquid eorum quoniam accepit euincatur, alij heredes aut socij tenentur ei de euictione: ex lege Si familiæ. Cod. Familia excusanda, & ex lege Si frates, Cod. Communia utriusque iudicij, &c Additæ idem (quod facere potest ad nostrum institutum) in contractu transactionis, seu quando aliquid alicui datur, ut a lite discedat, cedat iuri quod habet in re litigiosa, si eadē res postea euincatur tanquam aliena, non esse obligationem restituendi acceptum ea de causa: quia non fuit datum pro re quæ euincitur, sed pro cessione iuris quod præredit se in ea habere: etiam si in rei veritate nullum forte habeat. Imo vero, si illud ipsum quod ei datum est, euincatur per aliquem alium, is qui dedit tenerit illi de euictione: ex lege, Sipro fundo, Cod. De transactionibus. Quanquam si litigantes ita litem componerent, ut unus vnam, & alter alteram rei litigiosæ partem acciperet: si unius pars euincetur, alter non teneretur de euictione: quia partem suam non accepit in alterius partis compensationem, ut fit in diuisione hereditatis; sed ut cederet obscuro iuri suo, quod habuit in illud rotum quod conflatum erat ex talibus partibus. Quia de re adhuc idem author in eodem tract. 2. dispu. 55. sub finem. Quando autem aliquid marito datum in dorem euincitur; quousque ille agere possit, cum spectet potissimum ad forum externum, relinquimus videndum apud eundem in præced. dispu. 427.

CAPUT VIII.

De accidentibus contractus.

S V M M A R I V M.

- 116 Quid sit ea culpa quæ censemur accidentis contractus ipsum infirmans.
- 117 Quid sit dolus generaliter: & diuiso illius in bonum & malum.
- 118 Dolus malus (qui solus constituitur accidentis contractus) quid sit.
- 119 Varia diuiso eiusdem.
- 120 Dolus tollens consensum in contractum, reddit ipsum inuallidum.
- 121 Dolus dans causam contractui non obstat, quin si sit validus, si vero animo contrahendi celebretur.
- 122 Corollarium inde consequens: deceptum posse quo ad forum conscientia compellere deceptorem ad implendum contractum.
- 123 Validus est contractus cui causam dedit alicuius tertii dolus, neuterque contrahentium ei commutauit: nisi si tollat liberum consensum eorumdem contrahentium.